

重
物
紅

圃
廐
出

光緒六年

八月

呂志原序

江甯自宋元明皆有府志

國朝康熙六年知府陳開虞嘗一修之閱今百七十餘年矣新安呂公來守江甯之三年乃重修府志以嘉慶辛未三月開局八月成書又三月而鐫之版其成之速如是是可欣已吾嘗以爲天下之事無不可爲苟有志盡力爲之未有不成者然而世事頽壞不舉舊業廢而新功亾者舉目皆是率謂事之巨而難爲爲之而必不可就於是因循推讓而太息於無可如何而烏知其事之實固未必然耶方公之來也欲成此書羣吏以謂舊守賢才多矣而不爲此者固念江甯志之不易爲也公亦以鉅郡事故紛乘未暇遽及而心嘗念之不忘一朝決然造端籌畫開局立法簡而用意密

重刊江寧府志 卷八
建功不奪於羣言用財無取於屬縣興廢補缺裒成五十六卷非
特使百七十年之事補綴可觀而自宋元明舊志訛謬亦多疏證
其是非焉雖其成書過速容有疏漏未及盡備冗文未及盡芟者
而大綱固已善用意固已深矣是不可謂智足以謀始而勇足以
決成者耶以此推之天下事之利病有待於興革者大抵亦若此
矣公之仕也凡數任皆在江南之域其豈弟之實見之政事者固
已著於閭巷人皆知之而無待於余言若茲志之修足以勉夫世
之畏事不爲而諉之於難爲者余故樂述之以爲天下告云嘉慶
十六年十一月桐城姚鼐序

郡之有志於以周知一郡建制沿革之故典章文物之遺與夫一
切戶籍賦役紛囂之務上裨國典下開吏治固守土者所有事也

矣江甯自古爲帝都政蹟繁多於他郡爲最撰志業者九宜詳備

國家累洽重熙賢才名德興起繁夥百餘年來

聖祖仁皇帝

高宗純皇帝屢幸是土

異恩曠典具頌民閒而郡志自康熙七年前守陳公開虞修纂之後閱今百餘年紀載蔑聞鉅典缺如也且陳公修志時因仍宋景定元金陵等志之謬苟相附會不足傳信來茲頗爲大雅之所譏陋余於嘉慶十三年來守茲土心卽以此爲務而怱怱數年猥以年齒就衰決爲乞休之計私心竊慮余去而此書不成無由遂宿志也爰捐廉俸於今年三月開局於府署之側竝賴一時賢人名士廣搜博訪分類纂修缺者補之訛者正之謬亂者削之凡七閱

月而成書五十六卷雖未敢云華實兼賅卽臻美備而觀是書者
攷覽山川稽求故實以及名公鉅卿之偉行方土物產之精英鑒
古證今粗可憑信差足備大邦之文獻矣余自惟三載於茲毫無
建樹竊幸是書克成或可稍裨政治於萬一而補余之過也夫若
夫缺略未修之年太久有無可尋訪之事不能盡詳或異日別有
可稽糾正訛謬是又賴於後之君子矣嘉慶十六年八月朔日朝
議大夫江甯府知府呂燕昭撰

主修

江甯

府

知

府呂燕昭

河南新安縣人
辛卯科舉人

總修

四品頂戴

刑部郎中

姚鼐

安徽桐城縣人
癸未科進士

邳

州

學

正陳

燮

江蘇泰州人戊午科舉人

監

生畢訓

咸

江蘇武進縣人

庠

生黃乙

生

江蘇武進縣人

庠

生史錫

祺

江蘇溧陽縣人

分修兼采訪校對事監

生嚴

觀

江蘇上元縣人

分修兼校對事庠

生管

同

江蘇上元縣人

庠

生侯雲

石

江蘇上元縣人

分修兼提調事吏部主事朱桂楨

江蘇上元縣人己未科進士

采訪

監

生蔡觀

潮

江蘇江甯縣人

候

選

知

縣孫廷松

江蘇上元縣人戊辰科進士

廩

膳

生賀

淳

江蘇縣人

六合

廩

膳

生唐肇

甲

江蘇縣人

六合

校對

庠

生金應恩

江蘇縣人

上元

監

生黃

鉦

江蘇縣人

山陽

舉

人段

榕

江蘇縣人

上元

候

選

從

九

品呂燕瑞

河南縣人

新安

凡例

一志內分二十一門曰

天章曰輿圖曰疆域曰分野曰沿革曰古今事表曰山川曰古蹟

曰風俗曰建置曰祠廟曰賦役曰學校曰武備曰驛遞曰秩官

曰名宦曰科貢曰人物曰金石曰藝文一門而又有數類者則

一志內有藝文一類恭惟

列聖巡方屢及江甯荷蒙

御藻題識鐫刻珉碑山川增其光華民庶欣其盛事不可僅列之

藝文也近西安揚州志皆特標

天章一門登之卷首今用其例

一舊志有圖紀二卷上卷最多舛謬下卷但畫山水夫古之郡縣疆域後世本不能盡考但據舊史略知其東西髣髴而已勢不能爲之圖況全不考史而妄爲之圖乎惟見今疆域必須考證分明畫方計里使覽者可會數百里之形勢若城內官署廟宇爲屋幾間之類此後人所不必知圖之何爲至於江甯山水之勝甲於海內假令有王維吳道子之筆繪尋丈之紙不知能盡

其勝否也況限於數寸而使俗工雕刻爲之乎凡志書有作八景十景圖者大抵虛僞可嗤徒煩紙墨若在金陵尤屬無取今將舊圖二卷全刪更計方里而作圖凡爲圖八雖限於數寸之紙不能盡備其纖細然其東西向背遠近界域差可推尋其事爲歸諸有用矣

一沿革當據正史正史所未詳參考他書言必有據若俗說杜撰不敢姑循

一山水一門內分二類山類則岡阜附焉水類則湖堰水利橋道附焉

一舊志無物產門謂江甯所產與列郡同是以不載此說非是江甯固有專產之物不同他處者卽如杼軸之興

國家特設織造於此若不歸之物產則奚屬乎

道院僧寺以次列焉

一二氏寺觀繁多不可勝載也其前朝建置有名者入古蹟其見在祀典所及

翠華巡幸所至者載之祀廟其餘不備錄

一秩官門分兩類前載歷代於此設官及今制官員之數後以官於此者人名爲年表舊志表內每人下有注文今定列史有傳者但注某史有傳四字其無傳者乃稍載其履歷

一節婦孝女統歸列女門內節婦已蒙

旌者具載其末旌而孫金相節婦錄所已收者或有見聞真確其家力未能舉亦未入孫錄者亦可附入此等人旣繁多不能盡立傳皆大字書名雙行略注其事蹟於名下

一名賢列傳已見史傳者略存數語云某史有傳不須詳錄未見史者乃稍詳載

一六朝帝王卿相雖皆居此然所職者廣大非一郡所當載此名宦內但載揚州刺史建康尹秣陵令之類

一藝文一門內又分兩門一是江甯人所撰著之書當存其目以經史子集分之是爲上卷一是人爲江甯地而撰者首卽載歷代志書之名下注存逸是爲下卷至江甯爲古人題咏紀述詩文何啻百卷非志所能盡收且如太白二水三山之句夢得金陵五詠之篇童叟熟誦豈待此志而後聞哉今必其辭有關考核利病之事者附之下卷或附山水等下其無關者雖名賢傑句皆不必錄此是地志非選詩文也

一景定志有事表其文繁碎今以史記年表爲去古不遠者

一自晉南渡北來諸賢皆此地之流寓也若盡載則不可勝載今盡不錄惟琅邪一郡僑寓於此其遷來諸賢宜歸此土矣而王氏乃最盛之族然所居多在吳越不得遽歸於此郡惟顏氏則生居歸老不出此土魯公家廟碑可據也故收之獨詳

目錄

第一卷

天章一

第二卷

天章二

第三卷

輿圖 疆域 分野

第四卷

沿革

第五卷

古今紀年事表

第六卷

山水一

第七卷

山水二

第八卷

古蹟一

第九卷

古蹟二

古蹟三

第十一卷

風俗物產

第十二卷

建置

城池

行宮

官署

雜置公所

第十三卷

祠廟

第十四卷

賦役一

第十五卷

賦役二

糧運關稅附

第十六卷

學校

第十七卷

武備

兵制

江防

馬政

第十八卷

驛遞

第十九卷

秩官

第二十卷

秩官表一

第二十一卷

秩官表二

秩官表三

第二十三卷

秩官表四

第二十四卷

秩官表五

第二十五卷

名宦一

第二十六卷

名宦二

第二十七卷

名宦三